



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

১৯ মে ২০০৮

মিজোরামে আগ সাহায্য দিল আমেরিকা

কলকাতা -- মিজোরামের সাম্প্রতিক খাদ্য সঞ্চটে স্থানীয় মানুষকে সহায়তা করার জন্য মার্কিন যুক্তরাষ্ট্র সরকার স্বেচ্ছাসেবী সংগঠন 'সেভ দি চিলড্রেন'-কে ২০ লাখ টাকা (৫০ হাজার ডলার) অনুদান দেওয়ার কথা ঘোষণা করল। মিজোরামের সাইহা জেলায় এই সঞ্চট সবচেয়ে তীব্র ভাবে দেখা দিয়েছে।

বিরল প্রাকৃতিক নিয়মে বাঁশ-বাঢ়ে ফুল ও ফল আসায় মিজোরাম ও তার সন্নিহিত অঞ্চলের আবাদি এলাকায় ব্যাপক ইঁদুরের প্রাদুর্ভাব ঘটেছে। ফলে চাষের জমি ও গুদামে ফসল নষ্ট হচ্ছে। আর তার প্রভাবেই ঘনিয়ে উঠেছে তীব্র খাদ্য সঞ্চট। এই পরিস্থিতিতে মার্কিন অনুদানের মাধ্যমে 'সেভ দি চিলড্রেন' ক্ষতিগ্রস্ত দরিদ্র কৃষক পরিবারগুলিকে সহায়তা দেবে। খাদ্য সঞ্চটের জেরে বিশেষত নারী ও শিশুদের ক্রমবর্ধমান স্বাস্থ্য সমস্যা দেখা দিচ্ছে।

মুখ্যমন্ত্রী পু. জোরামথাঙ্গার সঙ্গে কথাপ্রসঙ্গে মার্কিন কনসাল জেনারেল হেনরি জার্ডিন বলেন, “সঞ্চটের সময় মিজোরামের মানুষের প্রতি মার্কিন যুক্তরাষ্ট্র সরকারের চিন্তা ও সহানুভূতির প্রতিফলন” ঘটেছে এই সহায়তা দানের মাধ্যমে।
